

Confidential



**basic education**

Department:  
Basic Education  
**REPUBLIC OF SOUTH AFRICA**

**NATIONAL  
SENIOR CERTIFICATE**

**KEREITE YA 12**

**SESOTHO PUO YA TLATSETSO YA BOBEDI (SAL)**

**PAMPIRI YA BORARO (P3)**

**PUDUNGWANA 2024**

**MATSHWAO: 80**

**NAKO: Dihora tse 2½**

**Pampiri ena e na le maqephe a 7.**

## DITAELO LE DIKELETSO HO MOHLAHLOBUWA

1. Pampiri ena e arotswe DIKAROLO TSE THARO, e leng:  

KAROLO YA A: Moqoqo	(40)
KAROLO YA B: Ditema tsa Kgokahano tse telele	(20)
KAROLO YA C: Ditema tsa Kgokahano tse kgutshwane	(20)
2. Araba potso E LE NNGWE karolong E NNGWE le E NNGWE.
3. Araba dipotso TSOHLE ka Sesotho.
4. Qala KAROLO E NNGWE le E NNGWE leqepheng LE LETJHA.
5. Etsa moralo (mohl. ka ho iketsetsa mmapa wa monahano/daekramo/tjhate e bontshang tatellano ya mehopolo kapa lenane la dintlha tseo o tlang ho ngola ka tsona) wa tema e nngwe le e nngwe. Ha o qetile ho ngola tema ya hao, e bale hape mme o lokise diphoso. Meralo e hlahe PELE ho tema e nngwe le e nngwe.
6. Meralo yohle e bontshwe ka tshwanelo hore ke meralo. O eletswa ho seha mola ka ho habahanya meralo yohle.
7. O eletswa ho sebedisa nako ya hao tjena:  

KAROLO YA A: Metsotso e 75	
KAROLO YA B: Metsotso e 38	
KAROLO YA C: Metsotso e 37	
8. Nomora dikarabo tsa hao feela jwalo kaha dipotso di nomorilwe pampiring ena ya dipotso.
9. Ngola sehlooho sa potso eo o e kgethileng.
10. Sehlooho se SE KE sa balellwa ha ho balwa palo ya mantswe.
11. Ngola ka mongolo o makgethe mme o balehang.

## KAROLO YA A: MOQOQO

### POTSO YA 1

Kgetha sehlooho kapa setshwantsho SE LE SENG mme o ngole moqoqo wa bolelele ba mantswe a 200 ho isa ho a 250. Ha o kgethile ho ngola ka setshwantsho, o nehe moqoqo wa hao sehlooho. Hopola ho etsa moralo mme o be o boele o lekole moqoqo wa hao botjha ho hlaola diphoso.

- 1.1 Batjha ba kajeno! [40]
- 1.2 Bohlokwa ba ho ba le motlakase. [40]
- 1.3 Ke ne ke qala ho kgetha ka la 29 Motsheanong 2024. [40]
- 1.4 Ho bohloko ho hloka batswadi. [40]

Kgetha setshwantsho SE LE SENG ho tse latelang, o ntano ngola moqoqo ka sona. Nomora potso ya hao (1.5, 1.6, 1.7 KAPA 1.8). O nehe moqoqo wa hao sehlooho se loketseng.

**ELA TLHOKO:** Ho tlamehile ho ba le kgokahano dipakeng tsa moqoqo wa hao le setshwantsho seo o se kgethileng.

1.5



[Setshwantsho se qotsitse ho [www.pinterest.com](http://www.pinterest.com)]

[40]


1.6



[Setshwantsho se qotsitswe ho [www.pinterest.com](http://www.pinterest.com)]

[40]

1.7



[Setshwantsho se qotsitswe ho [www.pinterest.com](http://www.pinterest.com)]

[40]

1.8



[Setshwantsho se qotsitswe ho [www.pinterest.com](http://www.pinterest.com)]

[40]

**MATSHWAO OHLE A KAROLO YA A:**

**40**

## **KAROLO YA B: DITEMA TSA KGOKAHANO TSE TELELE**

### **POTSO YA 2**

Kgetha mme o ngole tema E LE NNGWE ya bolelele ba mantswe a 80 ho isa ho a 100. Hopola ho etsa moralo mme o be o boele o lekole tema ya hao botjha ho hlaola diphoso.

#### **2.1 LENGOLO LA SETSWALLE**

O ne o ntse o thusa ngwaneno ho itokisetsa ho ya ngola tlhahlobo ya ho kganna mme ha a atleha. Ngola lengolo le mo kgothatsang hore a se nyahame, a leke hape.

**[20]**

#### **2.2 LENGOLO LA SEMMUSO**

Ngola lengolo la kopo la ho fumantshwa sebaka ho ntshetsa dithuto tsa hao pele Setsheng sa Dithuto tse Phamameng Afrika Borwa.

**[20]**

#### **2.3 PUO**

Baithuti ba bangata ba tshwenyehile ka lebaka la puo ya mediya ya marangrang. Ngola puo o hlokomedisa batjha hore bophelo bo ka ba jwang ntle le puo ya mediya ya marangrang.

**[20]**

#### **2.4 RAPOROTO**

Malome wa hao ya sebetsang yunivesithing e itseng, o ile a o kopa ho tsebisa baithuti ba hlokanng sebakeng yunivesithing ho ikopanya le yena mme ba tlise R1 500 ya boingodiso motho ka mong. Malome wa hao o nyametse ka tjhelete ya baithuti bao. Ngola raporoto moo o tlalehelang sepolesa ka ketsahalo ena.

**[20]**

**MATSHWAO OHLE A KAROLO YA B: 20**

## **KAROLO YA C: DITEMA TSA KGOKAHANO TSE KGUTSHWANE**

### **POTSO YA 3**

Kgetha mme o ngole tema E LE NNGWE ya bolelele ba mantswe a 60 ho isa ho a 80 (dikahare feela). Hopola ho etsa moralo mme o be o boele o lekole tema ya hao botjha ho hlaola diphoso.

#### **3.1 KARETE YA MEMO**

Ngola karete moo o memelang batswadi ho tla moketeng wa ho etsa pokello ya tjhelete e tla etsetsa baithuti ba Kereiti 12 mokete, pele ba ngola ditlhahlobo tsa bona tsa makgaolakgang.

**[20]**

#### **3.2 BUKATSATSI/DAYARI**

O kopana le motswalle wa hao wa kgale feisebukung ka mora dilemo tse ngata. Ngola bukatsatsi/dayari ya diketsahalo tsa matsatsi a mararo a hlahlamanang ka kopano eo ya lona.

**[20]**

#### **3.3 DITAELO**

Ngola ditaelo tsa ho thusa moithuti ya akgehileng ka phaposing ya borutelo. Fana ka mabaka ao o etsang tsena ka ona.

**[20]**

<b>MATSHWAO OHLE A KAROLO YA C:</b>	<b>20</b>
<b>MATSHWAO OHLE A PAMPIRI ENA:</b>	<b>80</b>